

24 SEPTEMBRIE
RUGACIUNEA 2
SF. CUVIOS
SILUAN ANTONOV
DE LA SF. PANTELIMON-ATHOS

Моли́тва

О предивный уго́днице Бо́жий, преподо́бне Силуа́не, Святы́я Го́ры Афóнския но́вый свети́льниче, Пресвято́ю Богоро́дицею возлю́бленный и бы́ти ве́рным де́лателем в Ея́ земно́м вертогра́де при́званный! Со умиле́нием ны́не преклоня́ем ко́лена серде́ц на́ших и взыва́ем ти: принеси́ моли́тву на́шу к Ми́лостивому Бо́гу и испроси́ вся, яже на по́льзу душа́м и телесе́м на́шим: ве́ру праву, наде́жду несумне́нну, любо́вь нелицеме́рну, во искуше́ниях му́жество, в злострада́ниях и болезнех терпе́ние, во благоче́стии преспе́яние, в моли́твах постоя́нство. Приими́ смире́нное моле́ние на́ше, согре́й нас дыха́нием любве́ твоея́, озари́ нас све́том дарова́нных тебе́ благода́ти и бу́ди о нас хода́тай ко Го́споду, проле́й к Нему́ моли́тву твою́, да ути́шит бу́рю

страсте́й на́ших и хла́дная сердца́ на́ша огне́м
Боже́ственныя любве́ Своея́ да согре́ет и тако́
сподо́бит на́с тёплое покая́ние со слеза́ми Ему́
приноси́ти, труды́ же и ско́рби жития́ сего́
терпели́во, безро́отно и со благодарéнием
понести́, и в час исхо́да на́шего от земна́го
жития́ бездну́ грехо́в на́ших в мо́ри милосе́рдия
Своего́ да погрузи́т и на́с поми́лует ра́ди Своея́
неизрече́нныя любве́ к ро́ду челове́ческому и да
сподо́бит в Ца́рствии Небе́сном наслажда́тися
Его́́ Боже́ственнойю́ любóвию кúпно с тобо́ю и
все́ми свята́ми, во ве́ки веко́в. Ами́нь